

АГРАР СОҶА: ХАЛҚАРО ҲАМКОРЛИҚДА МУҲИМ ҚАДАМ



Форум

Маълумки, дунё бўйича 32 та ривожланаётган давлатларда денгизга чиқиш имкони мавжуд эмас. Ушбу форумни ташкил этишдан асосий мақсад эса, шу давлатлар ўртасида қишлоқ хўжалиги маҳсулотлари савдоси, озиқ-овқат хавфсизлиги ва иқлим ўзгаришига мослашиш,

логистика билан боғлиқ муаммоларни ҳал этишга қаратилган.

Таъкидлаш лозимки, ушбу форум Ўзбекистонни жаҳоннинг бошқа минтақалари билан боғловчи транспорт йўналишларини ривожлантириш, юртимизда озиқ-овқат хавфсизлиги ва тизимларнинг ҳозирги

ҳолати тўғрисида хабардорликни ошириш, озиқ-овқат хавфсизлиги соҳасидаги тараққиётга тўқсинлик қилаётган минтақавий ва глобал даражадаги асосий масалаларни ҳал этиш, шунингдек, қишлоқ хўжалиги ва озиқ-овқат маҳсулотларининг савдоси ҳамда инвестиция лойиҳа-

Ўтган ҳафта пойтахтимизда "Денгизга чиқиш имкони бўлмаган ривожланаётган давлатлар: озиқ-овқат хавфсизлиги ва барқарор ривожланиш мақсадлари" мавзусида халқаро форум бўлиб ўтди. Унда Ўзбекистон Республикаси Қишлоқ хўжалиги вазири Иброҳим Абдурахмонов, БМТнинг Қишлоқ хўжалиги ва озиқ-овқат ташкилоти (ФАО) бош директори Суй Дунъюй, денгизга чиқиш имкони бўлмаган ривожланаётган 32 та давлат, халқаро молия ташкилотларининг юқори вакиллари, илмий доиралар, хорижий экспертлар ва хусусий сектор вакиллари иштирок этди.

ларини амалга ошириш бўйича янги шартнома ва келишувларга эришишга имкон яратди.

Анжуманинг очилиш маросимида Ўзбекистон Республикаси бош вазири А.Арипов сўзга чиқди.

(Давоми 2-саҳифада) ▶

Вилоят бўйлаб

ТОШКЕНТ вилоятида Ўзбекистон-Миср ишбилармонлари бизнес-форуми ўтказилди. Форум доирасида Миср бизнес доиралари ва вилоят ишбилармонлари ўртасида учрашувлар бўлиб ўтди. Меҳмонлар бир қатор йирик корхоналар фаолияти билан таништирилади.

ВИЛОЯТда 2024-2027 йилларда электротехника sanoati йўналишида жами 1,7 миллиард долларлик 24 та лойиҳа амалга оширилади. Ушбу лойиҳалар илгари туширилиши натижасида бюджетга 500 миллиард сўм тушум тушади, шунингдек, 3 мингдан зиёд янги иш ўринлари ташкил этилади.

ЮҚОРИ ЧИРЧИҚ туманида жорий йилда энергия ресурсларини иқтисод қилиш мақсадида 19030,4 мин. кВт/соат электр энергияси иқтисод қилиниши режага киририлган. Шунга қўра, 750 та аҳоли хонадонига қуёш панеллари ўрнатилди. Аини пайтда туманининг "Саховат" маҳалласидаги хонадонларга қуёш панеллари ўрнатилмоқда.

ЗАНГИОТА туманидаги "Урикзор" маҳалласининг 3,6 км., ЯНГИЙЎЛ туманидаги "Ғалаба" маҳалласининг 1,76 км. ички йўллари таъмирлаш харажатлари учун вилоят ҳокимининг қарорига қўра 1 миллиард 901 миллион сўм маблағ ажратилди.

ХИРМОНГА БАРАКА!



Аини кунларда вилоятнинг Бўка, Бекобод, Пискент туманларида пахта теримига старт берилди, деб хабар бермоқда вилоят ҳокимлиги Ахборот хизмати. 1 минг 69 нафар фермер

хўжаликлари ва пахта-тўқимачилик кластерлари билан контрактация шартномалари тузилди. Пахта йиғим-теримини уюшқоқлик билан ташкил этиш мақсадида 930 та терим отряд-

Мавсум

Тошкент вилоятида жорий йилда 70 минг гектардан зиёд майдонда 270 минг тонна пахта хом ашёси тайёрлаш режалаштирилган.

лари шакллантирилиб, уларга 1 минг 150 нафар теримчи жалб этилган. Ҳар бир отрядга эса ўртача 100-120 нафардан теримчи бириктирилди.

Жумладан, терим мавсумида қатнашадиган транспорт воситалари, тракторлар, тиркамалар, шунингдек, пахта қабул қилиш масканларидаги лабораториялар шай ҳолатга келтирилган.

Мавсумни 10 сентябрдан 10 октябргача тугатиш режа қилинмоқда. Шунингдек, теримчиларга яратилган шароитлар, уларга иш ҳақларининг ўз вақтида берилиши доимо назорат қилиб борилади.

(Давоми 2-саҳифада) ▶

Кичик бизнес

Корхонадан бозоргача

Сўнгги йилларда юртимизда кичик бизнес ва тадбиркорликни қўллаб-қувватлаш мақсадида қатор имтиёзлар берилмоқда. Бунинг натижасида яхши натижаларга эришяётган тадбиркорлар сони ортмоқда.



Хусусан, Чиноз туманининг "Тарбозор" маҳалласида истиқомат қилувчи Иброҳим Зухридинов 5 йил илгари яшаб турган хонадонидан жой ажратиб, тикув цехи фаолиятини йўлга қўйган эди. Ҳозирда ишлари анча юришиб кетган.

— Цехда асосан байрам либослари тайёрланади, — дейди тадбиркор. — Аввалига 2-3 нафар ёрдамчи билан иш бошлаган эдик. Бугунги кунда ишчилар сони 10 нафарга етган. Кунига қўл меҳнати ёрдамида 100 донага яқин либослар тайёрлаймиз. Келгусида буюртмаларга қараб,

ишчилар сони яна кўпаяди. Муъжазгина цехга маҳалладаги банд бўлмаган хотин-қизлар жалб этилган. Улар ишли бўлиб, оиласи ва жамиятга нафи тегаётганидан хурсанд.

— Либослар тайёр холга келгунча бир неча босқичдан ўтади, — дейди иш юритувчи Мархабо Доснонова. — Бичилади, тикилади, безак берилади ва қадоқланади. Жамоамиз аҳил. Ишчиларга қулай шароитлар яратилган.

Зикрилла МАМАТОВ,
"Тошкент ҳақиқати"
муҳбири
Жалолддин ЭСОНОВ
олган сурат

Фармон ва ҳаёт

Кейинги йилларда мамлакатимизда жамият ва давлат ҳаётининг барча соҳаларида амалга оширилаётган демократик ислохотларда фуқаролик жамияти институтларининг роли, аҳамияти ҳамда ижтимоий фаоллиги ошиб бормоқда.

ЖАМИЯТ — ИСЛОХОТЛАР ТАШАББУСКОРИ

Янги таҳрирдаги Ўзбекистон Республикасининг Конституциясида "Фуқаролик жамияти институтлари" учун алоҳида боб (13-боб) ажратилиб, фуқаролик жамиятининг асоси конституциявий меъёр билан белгиланди.

Давлат органларининг фуқаролик жамияти институтлари билан самарали ва конструктив мулоқот механизми йўлга қўйилиб, нодавлат нотижорат ташкилотларининг эҳтиёжларини тизимли таҳлил қилиш ҳамда давлат ва жамиятни янада ривожлантиришнинг муҳим масалалари бўйича ўзаро фикр алмашиш учун майдон яратилди.

Ўзбекистон Республикаси Президентининг жорий йилнинг 26 ав-

густ куни қабул қилинган "Фуқаролик жамияти институтларини давлат томонидан қўллаб-қувватлаш тизимини янада такомиллаштириш бўйича чора-тадбирлари тўғрисида"ги Фармони бу борадаги ислохотларнинг мантиқий давоми бўлди.

Фармон билан фуқаролик жамияти институтларини давлат томонидан қўллаб-қувватлаш тизимини янада такомиллаштириш бўйича аниқ стратегия белгиланди. Яъни, фуқаролик жамияти институтларини давлат томонидан қўллаб-қувватлашнинг олтига энг муҳим йўналишлари ҳамда улар қай тартибда амалга оширилиши белгилаб берилди.

(Давоми 2-саҳифада) ▶

Яхши хабар

НУРАФШОНДА ЯНГИ ТАЪЛИМ МАСКANI

фойдаланишга топширилди



путлар, ўқитувчи ва ўқувчилар ҳамда кенг жамоатчилик вакиллари иштирок этишди.

Ушбу таълим даргоҳида дарслар ўзбек ва рус тилларида олиб борилади. Қўшимча инглиз, корейс, хитой, япон (танлов асосида) тиллари ҳам ўқитилади. Шунингдек, математика, компьютер ва ИТ йўналишлари бўйича чуқур билим берилди.

Таъкидлаш жоизки, 6 миллион доллар хорижий инвестиция ҳисобига барпо этилган муассаса худудида келгусида таълим кластери яратилиб, мактабга ва мактаб таълими, шунингдек, олий таълим масканлари барпо этилиши режалаштирилган.

Тошкент вилояти ҳокимлиги
Ахборот хизмати

"Nurafshon biznes siti" худудида Кореянинг "Hwashin Korea International School" нодавлат хусусий мактаби фойдаланишга топширилди. Мазкур мактаб 1 минг 500 нафар ўқувчини қамраб олиш қувватига эга. Жорий ўқув йилида 1-11-синфларда 350 нафар ўқувчи дарсларга қатнаш бошлади.

Очилиш маросимида шаҳар ҳокимлиги фаоллари, нурунийлар, де-

БАЛЛИ, МАТОНАТЛИ ҚАҲРАМОНЛАР!



Франциянинг Париж шаҳрида XVII ёзги Паралимпия ўйинлари ўз якунига етди. Дунёнинг 170 давлатидан 4,4 мингдан ортиқ пара атлет иштирок этган нуфузли турнирда Ўзбекистон делегацияси муваффақиятли қатнашиб, олимпиячиларимиз сингари тарихий натижани қайд этишди.

2

